

STATUTI
I SHOQERISE TREGTARE
"ENER-LUNXH" SH.P.K.

Sot, më datë 20.10.2022 (dymijë e njëzet e dy), tre ortakët themelues:

- Z. Besar Llapashtica, shtetas shqiptar, i lindur në Fier, më 27.03.1990 dhe banues në Tiranë, madhor dhe me zotesi te plote juridike per te vepruar, mbajtes i kartes së identitetit me Nr. 032266246 dhe Nr. Personal J00327070S.
- Z. Marjus Dashi, shtetas shqiptar, i lindur në Fier, më 13.04.1986 dhe banues në Fier madhor dhe me zotesi te plote juridike per te vepruar, mbajtes i kartes së identitetit me Nr. 035310804 dhe Nr. Personal I60413021P
- Z. Brien Hajdari, shtetas shqiptar, i lindur ne Tirane, me 06.07.1998 dhe banues ne Tirane, madhor dhe me zotesi te plote juridike per te vepruar, mbajtes i kartes se identitetit me numer. 032845734 dhe numer personal J80706053M,

vendosen themelimin e Shoqërise "ENER-LUNXH" Shpk., me termat si më poshte:

I. DISPOZITA TE PERGJITHSHME

Shoqëria Tregtare "ENER-LUNXH" Shpk., rregullon poziten e saj juridike, marredheniet e themeluesve, te organeve te saj, llojin e shoqerise, kohezgjatjen e veprimtarise se saj, marrdheniet me te punësuarit, duke u bazuar ne ligjin Nr. 9901, date 14.04.2008 "Për Tregtarët dhe Shoqëritë Tregtare", dhe dispozitat e tjera te legjislacionit shqiptar në fuqi që rregullojne marredheniet e Shoqerive Tregtare, (në vijim Shoqëria).

NENI 1.

Objekti i veprimtarise

Shoqëria ka për objekt veprimtarie:

"Implementimi dhe menaxhimi i projekteve gjeneruese të energjise elektrike solare (fotovoltaike), eolike, hidroenergjitike dhe veprave ndihmëse në Republikën e Shqipërisë dhe marrja nga Qeveria Shqiptare apo Ministrive e Institucioneve të Shtetit Shqiptar i te gjitha miratimeve, lejeve dhe licensave te cilat mundësojne zhvillimin e ketij aktiviteti në menyre të qete dhe në perputhje me kuadrin ligjor në Republikën e Shqipërisë.

Shoqëria ka të drejte të ushtroje çdo lloj aktiviteti të parashikuar nga ligji në perputhje me rregullat e dispozitat në fuqi. Shoqeria do te ushtroje aktivitetin e saj ne baze te autorizimeve dhe/ose lejeve perkatese te leshuara nga organet kompetente te fushes".

NENI 2

Emri dhe selia e Shoqerise

Shoqëria eshte Person Juridik Privat. Shoqeria do te paraqitet ne çarkullimin juridik-civil me emertimin e saj "ENER-LUNXH" Shpk.

Selia e Shoqërisë ndodhet në adresen: Rruga : "Tahir Kadare", lagja "Kodra e Shtufit" Pallat i ri, apartamenti nr.1, Gjirokaster.



NENI 3**Kohëzgjatja e Shoqerise.**

Afati kohor i zhvillimit të aktivitetit të shoqerise është i perhershëm.

NENI 4.**Regjimi juridik i Shoqerise**

Shoqeria udhëhiqet nga parimet e ekonomise së tregut. Ajo respekton parimin e reciprocitetit. Ajo do të organizohet si një shoqeri me përgjegjësi të kufizuar (Sh.p.k.). Veprimtaria e saj i nënshtrohet dispozitave të Aktit të Themelimit, Statutit si dhe dispozitave të legjislacionit tregtar e atij civil në fuqi.

Me vendim të Asamblesë së Përgjithëshme, Shoqeria mundet që të ndryshojë regjimin juridik të saj në përputhje me dispozitat ligjore që do të jenë në fuqi si dhe në përputhje të plote me dispozitat e Aktit të Themelimit dhe të Statutit të saj. Statuti mund të ndryshojë duke ndjekur normat e mesipërme. Shoqeria gëzon personalitet juridik nga data e rregjistrimit të saj në Rregjistrin Tregtar. Shoqeria do të ketë vullenë e saj.

II. TË DREJTAT DHE DETYRAT E ORTAKEVE.**NENI 5.**

Ortakët nuk mbajnë përgjegjësi për humbjet e shoqerise përveç për pjesën e pashlyer të kontributeve të tyre që duhet të derdhen në kapitalin fillestar.

Pasurite e krijuara nga Shoqeria gjatë aktivitetit të saj janë në pronësi të Shoqerise. Ato (pasurite) mund të tjetërsohen, të jepën me qera, të lihen peng e hipoteke me miratimin e Ortakeve.

NENI 6**Te drejtat dhe detyrimet e Ortakeve.**

Ortakët japin kontributin e tyre në shoqeri në para apo në natyrë, sipas menyrave dhe afateve të përcaktuara në statut. Personat përgjegjës për administrimin e shoqerise informojnë të gjithë ortakët për ecurinë e veprimtarisë së shoqerise tregtare dhe, me kërkesën e tyre, duhet t'u venë në dispozicion llogaritë vjetore, përfshirë llogaritë e konsoliduara, raportet për gjendjen dhe ecurinë e veprimtarisë së shoqerise tregtare, raportet e organeve drejtuese apo të ekspertëve kontabel të autorizuar, si dhe çdo dokument tjetër të brendshëm të shoqerise, me përjashtim të rastit të sekretit tregtar, i cili është një e dhënë e vlerësuar nga shoqeria si informacion i brendshëm apo dokument që shoqeria mbron, i cili në rast se do t'u përhapet personave të paautorizuar do të shkaktonte dëm të konsiderueshëm interesave tregtare të shoqerise.

Ortakët kanë të drejtë të heqin dorë nga shoqeria dhe të shesin pjesën e tyre të kapitalit, në përputhje me kushtet e përcaktuara në Statut dhe në ligj.

Heqja dorë nga shoqeria nuk i liron ata nga detyrimet që ata kanë ndaj shoqerise deri në momentin e heqjes dorë dhe nuk rrezikon marrjen e të ardhurave nga shoqeria të siguruar deri në atë moment.

Gjatë ushtrimit të të drejtave, ortakët veprojnë, duke marrë parasysh interesat e shoqerise dhe të ortakeve të tjera. Ata gëzojnë, të njëjtat të drejta, kanë të njëjtat detyrime e trajtohen në mënyrë të barabartë. Ortakët respektojnë detyrimet që burojnë nga Akti i Themelimit dhe Statuti. Ata përpiqen për fillimin e aktivitetit të Shoqerise sipas objektit të veprimtarisë së saj.



NENI 7.

Abuzimi i ortakëve ndaj shoqërisë

Ortakët, e shoqërisë tregtare, që kryejnë një apo me shumë nga veprimet ose mosveprimet vijuese, përgjigjen personalisht e në mënyrë solidare për detyrimet e shoqërisë, me të gjithë pasurinë e tyre nëse:

- a) abuzojnë me formën e shoqërisë tregtare për arritjen e qëllimeve të paligjshme;
- b) trajtojnë pasuritë e shoqërisë tregtare si të ishin pasuritë e tyre;
- c) në çastin kur kanë marrë apo duhet të kishin marrë dënimin për gjendjen e paafetësisë paguese të shoqërisë, nuk marrin masat e nevojshme, për të siguruar që shoqëria, në varesi të llojit të veprimtarisë së ushtruar, të ketë kapitale të mjaftueshme, për të përmbushur detyrimet e marra përsiper ndaj paleve të treta.

NENI 8.

Ndalimi i konkurrencës

Ortakët nuk mund të mbajnë një pozicion drejtues apo të jenë të punësuar në shoqëri të tjera, që ushtrojnë veprimtari në të njëjtin sektor ekonomik me shoqërinë. Gjithashtu, ata nuk mund të mbajnë statusin e tregtarit për të ushtruar veprimtari në këtë sektor.

Ndalimi i përmendur më sipër mund të ndryshohet apo shfuqizohet nëpërmjet një autorizimi të posaçëm, të dhënë nga asamblëja e përgjithshme me 51% të votave.

Ky autorizim mbetet në fuqi edhe pas humbjes së cilesive apo statusit të përmendur në të, por jo për një periudhë më të gjatë se një vit pas humbjes së kësaj cilesie.

Nëse ndonjëri prej ortakëve shkel ndalimin e konkurrencës, shoqëria mund:

- a) ta përjashtojë atë nga shoqëria apo ta shkarkojë nga detyra;
- b) të kërkojë ndërprerjen e veprimtarisë konkurruese;
- c) të ngrejë padi për shpërblimin e dëmit.

Shoqëria, si alternative të ngritjes së padisë për shpërblimin e dëmit, mund t'i kërkojë secilit prej ortakëve:

1. të pranohet që transaksionet e kryera për llogari të tij të kalohen për llogari të shoqërisë;
2. t'i transferojë shoqërisë të gjitha përfitimet që ka marrë nga kryerja e veprimeve për llogari të personave të treta;
3. t'i transferojë shoqërisë të gjitha të drejtat e kredite, që kanë rrjedhur nga kryerja e veprimeve për llogari të personave të treta.

NENI 9.

Largimi i ortakut nga shoqëria dhe likuidimi i kuotes

Ortaku mund të largohet nga shoqëria nëse ortakët e tjerë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkak të tjerë, që e bëjnë të pamundur vazhdimin e ortakërisë. Ortaku që kërkon largimin, duhet të njoftojë shoqërinë me shkrim, si dhe të parashtrojë shkaqet e largimit. Administratoret ose ortakët duhet të thërrasin mbledhjen e asamblëse të përgjithshme menjëherë pasi të kenë marrë dënimin për njoftimin e largimit, për të vendosur nëse ortakut do t'i likuidohet kuota, si pasojë e largimit për shkak të arsyeshme.

Ortaku ka të drejtë të ngrejë padi në gjykatë ndaj shoqërisë për likuidimin e kuotes, si pasojë e largimit për shkak të arsyeshme, nëse pas njoftimit të largimit asamblëja e

pergjithshme nuk mblidhet apo nuk i njeh si te arsyeshme shkaqet e largimit dhe likuidimin e kuotes.

Ortaku qe kerkon largimin nga shoqeria, detyrohet ta demshperbleje shoqerine per demet e shkaktuara, nese rezulton se largimi eshte kryer ne baze te shkaqeve te paarsyeshme.

Ortaku qe largohet ka te drejte te ngreje padi ndaj shoqerise dhe/ose ortakeve te tjere qe shkaktuan largimin e tij dhe te kerkoje ndaj tyre, ne menyre solidare, shperblimin e demit te pesuar.

NENI 10.

Përrjashtimi i ortakut

Ne baze te nje vendimi te zakonshem, asambleja e pergjithshme mund t'i kerkoje gjykates perjashtimin e ortakut, nese ai nuk ka shlyer kontributin e tij, apo nuk ka paguar kontributin si pasoje e nje financimi, investimi, shtimi ne kapital dhe detyrime te tjera te parashikuara ne Statut apo nese ekzistojne shkaqe te arsyeshme per perjashtimin e tij sipas parashikimeve te statutit ose nese ekzistojne shkaqe te tjera te arsyeshme per kete perjashtim.

Konsiderohen shkaqe te arsyeshme per perjashtimin e ortakut, por pa u kufizuar ne to , rastet kur ortakut:

- me dashje apo me pakujdesi te rende i shkakton deme shoqerise ose ortakeve te tjere;
- me dashje apo me pakujdesi te rende shkel statutin ose detyrimet e percaktuara me ligj;
- perfshihet ne veprime, te cilat e bejne te pamundur vazhdimin e marredhenieve midis shoqerise tregtare dhe ortakut
- me veprimet e tij demton ose pengon ndjeshem veprimtarine tregtare te shoqerise.
- Gjate procedures se perjashtimit te ortakut, me kerkese te paditesit, gjykata mund te marre nje mase per sigurimin e padise, duke pezulluar te drejten e votes se ortakut, qe kerkohet te perjashtohet, si dhe te drejtat e tjera, qe rrjedhin nga zoterimi i kuotes se shoqerise, kur ajo e vlereson kete mase si te nevojshme dhe te justifikuar.
- Shoqeria ka te drejte t'i kerkoje ortakut te perjashtuar shperblimin e demit te pesuar nga veprimet, qe kane sjelle perjashtimin.
- Ortaku ka te drejte t'i kerkoje shoqerise shperblimin e demit te pesuar, nese kerkesa per perjashtim nuk eshte e bazuar.
- Ortaku nuk ka te drejte t'i kerkoje shoqerise likuidimin e kuotes, nese ai perjashtohet per shkaqe te arsyeshme, por, nese shoqeria ngre ndaj tij padi per shperblim demi, ortakut ka te drejte te kompensoje çdo shume, qe do te kishte te drejte ta perfitonte ne cilesine e likuidimit te kuotes, me demin e kerkuar nga shoqeria.

III. KUSHTET EKONOMIKE TE SHOQERISE.

NENI 11.

Aktiviteti i Shoqërise bazohet ne kerkesat e ekonomise e te tregut. Veprimtaria ekonomike ndertohet mbi parimet e llogarise dhe pasqyrohet ne bilancet e saj.

NENI 12.

Kapitali fillestar i investuar nga Ortaket, perben bazen e krijimit te fondit themeltar te mjeteve te xhiros. Administratori i dorezon Ortakeve dokumentin vertetues per sasite e shumave te derdhura ne fazen e themelimit.

Vleresimi i kapitalit ne natyre eshte bere nga Ortaket Themelues ne momentin e themelimit te Shoqerise.

Ortaket mund te kryejne ne baze te nje vendimi te Asamblese se Ortakeve, financime per llogari te shoqerise ne perpjesetim me kuotat e zoteruara ne kapital, mbulimin e humbjeve ashtu edhe per financime jo fitimprures.

NENI 13.**Kapitali i Shoqerise**

Kapitali themeltar i shoqerise perbehet nga kontributi ne para i dy ortakeve themelues. Ai perbehet nga tre (tre) kuota. Kontributi ne para per te 3 (tre) kuotat do te kete vleren prej 10,000 (dhjetemije) Leke.

Ortaket themelues do te zoterojne kuotat ne Shoqerine "ENER-LUNXH" Shpk., si me poshte:

- Z. Besar Llapashtica ne cilesine e Ortakut Themelues zoteron 1 (nje) kuote me vlere sa 34% te vleres se kapitalit themeltar te shoqerise me vlere te pergjithshme prej 3400 Leke.
- Z. Marjus Dashi ne cilesine e Ortakut Themelues zoteron 1 (nje) kuote me vlere sa 33% te vleres se kapitalit themeltar te shoqerise me vlere te pergjithshme prej 3300Leke.
- Z. Brien Hajdari ne cilesine e Ortakut Themelues zoteron 1 (nje) kuote me vlere sa 33% te vleres se kapitalit themeltar te shoqerise me vlere te pergjithshme prej 3300 Leke.

Kapitali themeltar eshte derdhur ne total nga ortaket themelues ne diten e sotme. Vleresimi dhe pagesa e kapitalit themeltar eshte kryer nga ortaket me miratimin e ketij Akti.

NENI 14.**Pronësia mbi kuotat**

Kuotat e kapitalit dhe te drejtat qe rrjedhin prej tyre fitohen ose kalohen, nepermjet:

- kontributit ne kapitalin e shoqerise;
- shit-blerjes;
- trashegimise;
- dhurimit;
- ne çdo menyre tjeter te parashikuar ne ligj.



NENI 15.**Miratimi i Asamblesë së Përgjithshme për fitimin apo kalimin e kuotave.**

Pavaresisht nga menyra e fitimit apo kalimit të kuotave, është i nevojshëm miratimi i Asamblese së Përgjithshme të Ortakeve. Në çdo rast, ortakët e shoqërisë gezojnë të drejtën e parablerjes.

Transferimet e kapitalit themeltar duhet të vertetohen sipas ligjit, ndryshe janë të pavlefshme.

NENI 16.

Kuotat mund të anulohen në çdo rast me miratimin e ortakut perkates dhe të gjitha të drejtat dhe detyrimet që i rrjedhin ortakut nga zoterimi i kuotes, shuhën me anulimin e tyre.

Rastet e anulimit të kuotes do të përcaktohen nga rregulloret e posaçme, të miratuara nga Asambleja e Ortakeve me 51% të votave.

Ndërsa likuidimi i saj do të bëhet sipas përcaktimeve të nenit 9 të këtij statuti.

NENI 17.**Zmadhimi dhe zvogëlimi i kapitalit**

Kapitali themeltar mund të zmadhohet ose të zvogëlohet nga Asambleja e Përgjithshme me $\frac{3}{4}$ e votave.

Zmadhimi i kapitalit mund të vendoset kur e kërkojnë interesat e Shoqërisë duke vendosur kuotat suplementare të Ortakeve.

Asambleja e Përgjithshme, vendos për zvogëlimin e kapitalit të Shoqërisë.

Zvogëlimi i kapitalit nuk duhet të demtojë kreditorët e as të krijojë pasiguri tek ata që kanë dhënë kredi para publikimit të zvogëlimit të kapitalit. Në të kundërtën Gjykatat e konsideron të pavlefshëm këtë vendim mbi kërkesën e kreditorëve.

NENI 18.**Fondet rezerve**

Shoqëria disponon lirisht mjetet e veta financiare për shlyerjen e detyrimeve gjatë veprimtarisë së saj.

NENI 19.**Përdorimi i të ardhurave neto**

E ardhura neto që rezultojnë mbasi zbriten shpenzimet e bera për kryerjen e çdo lloji aktiviteti nga zbritja e vlerës së amortizimit, nga tatimet dhe taksat, nga kuotat që rritin kredinë për investime, pagat e shperblimet, përdoret nga Ortakët, sipas qëllimeve të tyre.

NENI 20.**Bilanci, plani financiar.**

Pasuria e Shoqërisë vlerësohet në bilanci të saj në monedhe të vendit ose në monedhe të huaja sipas vlerësimit të Ortakeve ose ekspertëve në momentin e themelimit të Shoqërisë.



Bilanci vjetor paraqitet brenda dates 31 Mars te vitit pasardhes. Forma e bilancit percaktohet nga Administratori ne harmoni me format e bilanceve te vendosura ne Republikën e Shqiperise.

Plani financiar parashikon aktivin e pasivin e aktivitetit ekonomik te Shoqerise, te shprehur ne leke ose valute te konvertueshme. Llogaria ekonomike do te mbahet ne Shqiperi. Shkembimi i monedhes shqiptare me ate te huaj dhe anasjelltas behet sipas kursit zyrtar ose privat te kembimit.

NENI 21.

Shpërndarja e fitimeve

Ortakët kanë të drejtë të ndajnë pjesën e fitimit të deklaruar në pasqyrat financiare të shoqerise. Fitimi u shpërndahet ortakëve në raport me kuotat e zoteruara.

NENI 22.

Kufizimi i shpërndarjeve të fitimeve

Shoqeria mund t'u shpërndajë fitime ortakëve, vetëm nëse pas pagimit të dividendit:

- a) aktivet e shoqerise mbulojnë tërësisht detyrimet e saj;
- b) shoqeria ka aktive likuide të mjaftueshme për të shlyer detyrimet që behen të kerkueshme brenda 12 muajve në vazhdim.

Administratoret leshojnë një certifikatë të aftësisë paguese, e cila konfirmon shprehimisht se shpërndarja e propozuar e dividendëve përmbush kërkesat e mesipërme. Kur gjendja e shoqerise tregon se shpërndarja e propozuar e dividendëve nuk i përmbush këto kritere, administratoret nuk mund ta leshojnë këtë certifikatë.

Administratoret përgjigjen ndaj shoqerise për vërtetësinë e certifikatës së aftësisë paguese.

Administratoret, të cilët nga pakujdesia leshojnë një certifikatë të pasakte të aftësisë paguese, përgjigjen personalisht përpara shoqerise për kthimin e dividendëve të shpërndarë.

Ortakët, që kanë marrë nga shoqeria dividende, përgjigjen personalisht ndaj shoqerise për kthimin e dividendëve, që u janë shpërndarë kur nuk është leshuar certifikata e aftësisë paguese, ose kur, pavarësisht leshimit të certifikatës, këta ortakë kanë pasur dijeni për gjendjen e paaftësisë paguese të shoqerise, ose në bazë të rrethanave të qarta nuk mund të mos kishin pasur dijeni për këtë gjendje.

IV. ORGANET E SHOQERISE.

NENI 23.

Asambleja e Përgjithshme

Organi themelor i shoqerise është Asambleja e Përgjithshme. Asambleja e Përgjithshme merr vendime të cilat kërkojnë $\frac{3}{4}$ e votave në rastet e mëposhtme:

1. ndryshimet e statutit;
2. zmadhimin dhe zvogelimin e kapitalit;
3. riorganizimin dhe prishjen e shoqerise;
4. shpërndarjen e fitimeve;
5. raste të tjera të parashikuara nga ligji ose statuti;

për rastet e tjera ajo vendos me shumicën e votave të ortakeve pjesëmarrës si më poshtë:

1. Miratimin e rregullave procedurale të mbledhjeve të asamblese;
2. çeshtje të tjera të parashikuara nga ligji apo statuti.
3. percaktimin e politikave tregtare të shoqërisë;
4. emerimin e shkarkimin e administratorëve;
5. emerimin e shkarkimin i likuiduesve dhe të ekspertëve kontabel të autorizuar;
6. percaktimin e shpërblimeve për administratorët, likuiduesit dhe ekspertët kontabel të autorizuar.
7. mbikeqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
8. miratimin e pasqyrave financiare vjetore dhe të raporteve të ecurisë së veprimtarisë;
9. pjesëtimin e kuotave dhe anulimin e tyre;
10. përfaqësimin e shoqërisë në gjykate dhe në procedimet e tjera ndaj administratorëve.

NENI 24.

Asambleja e Përgjithshme është e detyruar dhe me çdo kusht të mbledhet sa herë që mbledhja është e nevojshme për të mbrojtur interesat e shoqërisë në rastet e mëposhtme:

- sipas bilancit vjetor apo raporteve të ndërmjetme financiare, rezultojnë ose ekzistojnë rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- shoqëria propozon të shesë apo të disponojë në mënyrë tjetër aktive, të cilat kanë një vlerë me të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.
- shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë me të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.
- Asambleja e përgjithshme thirret nga administratorët apo ortakët të cilët përfaqësojnë të paktën 5% të totalit të votave në asamblet e përgjithshme të shoqërisë.
- Në rastet e parashikuara në pikën një dhe tre më sipër, përpara Asamblese së Përgjithshme paraqitet një raport i përgatitur nga një ekspert kontabel i autorizuar, i pavarur.
- Në raste të parashikuara në pikën një dhe tre Asambleja e Përgjithshme mund të miratojë një rezolute këshilluese, duke miratuar apo bërë vërejtje për veprimtarinë e administratorëve.

NENI 25.

Thirrja e Asamblesë së Përgjithshme

Asambleja e përgjithshme thirret nëpërmjet një njoftimi me shkresë ose, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakeve, jo më vonë se 15 ditë përpara datës së parashikuar për mbledhjen e asamblese.

Kur asambleja e pergjithshme nuk eshte thirrur si me siper, ajo mund te marre vendime te vlefshme vetem nese te gjithë ortaket jane dakord, per te marre vendime, pavaresisht parregullsise.

NENI 26.

Kuorumi i nevojshëm dhe vendim-marrja

Ne rastin e marrjes se vendimeve, qe kerkojne nje shumice te zakonshme, asambleja e pergjithshme mund te marre vendime te vlefshme vetem nese marrin pjese ortaket me te drejte vote, qe zoterojne me shume se 51% per qind te kuotave. Ne rastin kur asambleja e pergjithshme duhet te vendose per çeshtje, te cilat kerkojne shumice te kualifikuar, ajo mund te marre vendime te vlefshme vetem nese ortaket qe zoterojne me shume se gjysmen e numrit total te votave jane te pranishem personalisht, votojne me shkrese, apo mjete elektronike.

Nese asambleja e pergjithshme nuk mund te mblidhet per shkak te mungeses se kuorunit te permendur me siper, asambleja mblidhet perseri jo me vone se 30 dite, me te njejtin rend dite.

Asambleja e pergjithshme vendos me tri te katertat e votave te ortakeve pjesemarrres, per ndryshimin e statutit, zmadhimin ose zvogelimin e kapitalit te regjistruar, shperndarjen e fitimeve, riorganizimin dhe prishjen e shoqerise. Per çeshtjet e tjera, asambleja e pergjithshme vendos me shumicen e votave te ortakeve pjesemarrres.

Çdo kuote jep te drejten e nje vote. Ortaket, qe nuk jane te pranishem, mundesine e pjesemarrjes ne mbledhjen e asamblese se pergjithshme me mjete te ndryshme komunikimi, perfshire mjetet elektronike, me kusht qe te garantohet identifikimi i ortakeve.

Ortaku, qe pengohet te ushtroje te drejtat qe i rrjedhin nga zoterimi i kuotes se shoqerise, ka te drejte t'i kerkoje gjykates te urdheroje ndalimin e cenimit apo shperblimin e demit te shkaktuar, si pasoje e cenimit te ketyre te drejtave.

NENI 27.

Procesverbali i mbledhjes së asamblese

Te gjitha vendimet e asamblese se pergjithshme duhet te regjistrohen në procesverbal. Administratoret pergjigjen per ruajtjen e kopjeve te procesverbaleve te mbledhjeve te asamblese se pergjithshme.

Procesverbali duhet te permbaje daten e vendin e mbledhjes, rendin e dites, emrin e kryetarit e te mbajtesit te procesverbalit, rezultatet e votimit.

Procesverbalit i bashkelidhet edhe lista e pjesemarrresve, si edhe akti i thirrjes se asamblese se pergjithshme.

Procesverbali i mbledhjes nenshkruhet nga kryetari dhe nga mbajtesi i procesverbalit.

NENI 28.

Hetimet e posaçme

Asambleja e pergjithshme mund te vendose nisjen e nje hetimi te posaçem per parregullsite pergjate veprimeve te themelimit te shoqerise apo te ushtrimit te veprimtarise tregtare. Hetimi kryhet nga nje ekspert i pavarur i fushes.

Ortaket qe perfaqesojne te pakten 5 per qind te totalit te votave ne asamblene e shoqerise, apo nje vlere me te vogel te parashikuar ne statut dhe/ose cilido kreditor i

shoqerise mund t'i kerkojne asamblese se pergjithshme emerimin e nje eksperti te pavarur te fushes, kur ka dyshime te bazuara per shkelje te ligjit ose te statutit ne te kundert brenda 30 diteve pas refuzimit nga asambleja per emerimin e ekspertit te pavarur, mund t'i kerkojne gjykates emerimin e ketij eksperti. Nese asambleja e pergjithshme nuk merr nje vendim brenda 60 diteve nga data e paraqitjes se kerkeses, kerkesa e ortakeve vleresohet e refuzuar.

E drejta per te kerkuar hetim te posaçem, duhet te ushtrohet brenda 3 vjeteve nga data e regjistrimit te shoqerise tregtare, kur hetimi ka si objekt parregullsite e procesit te themelimit, si dhe brenda 3 vjeteve nga data e veprimit, qe konsiderohet i parregullt, kur hetimi ka si objekt parregullsite e ushtrimit te veprimtarise tregtare.

Ne rastet e vendimeve te parregullta te administratorit te shoqerise, Asambleja e Pergjithshme ka te drejte ti kerkoje Gjykates kompetente shfuqizimin e ketyre vendimeve, kur keto perbejne shkelje te rende te ligjit apo statutit.

Ortaket te cilet perfaqesojne te pakten 5% te totalit te votave ne asamblene e pergjithshme apo secili kreditor i shoqerise mund ti kerkoje asamblese se Pergjithshme shfuqizimin si me siper, ose ata mund te procedojne vete perpara gjykates brenda 30 diteve nga refuzimi i asamblese per ngritjen e padise. Nese Asambleja e Pergjithshme nuk merr nje vendim brenda 60 diteve nga data e kerkeses, kerkesa e ortakeve apo kreditorëve vleresohet e refuzuar.

Procedurat perpara gjykates ndiqen nga nje perfqesues i posaçem i shoqerise i emeruar nga Asambleja e Pergjithshme. Kreditorët apo ortaket e siperpermendur kane te drejte te kerkojne perpara gjykates zevendesimin e perfaqesuesit kur ka dyshime ne lidhje me te per perfaqesimin e tij jo ne interes te shoqerise.

Rastet e hetimeve te posaçme dhe shfuqizimit te vendimeve te parregullta do te rregullohen sipas neneve 91 dhe 92 te ligjit " Per Tregtaret dhe Shoqerite Tregtare"

V. ADMINISTRIMI I SHOQERISE

NENI 29.

Asambleja e Përgjithshme emeron nje ose me shume persona fizike si administratore te shoqerise. Afati i emerimit, nuk mund te jete me i gjate se 5 vjet, me te drejte ripërteritjeje. Emerimi i administratorëve prodhon efekte pas regjistrimit ne Qendren Kombetare te Regjistrimit. Statuti mund te caktojë rregulla te posaçme per emerimin e administratorëve.

Administrator i Shoqerise emerohet :

- Z. Brien Hajdari, shtetas shqiptar, i lindur ne Tirane, me 06.07.1998 dhe banues ne Tirane, madhor dhe me zotesi te plote juridike per te vepruar, mbajtes i kartes se identitetit me numer. 032845734 dhe numer personal J80706053M. Afati i emërimit eshte per nje periudhe 5 vjecare.

Shoqeria do te perfaqesohet perpara ç'do organi administrativ, gjyqesor, apo ç'do entiteti tjeter publik apo privat dhe ne marredhenie me te tretet nga Administratorët e shoqerise, te cilet ushtrojne te drejtat e tyre ne perputhje me Statutin e shoqerise dhe me legjislacionin shqiptar ne fuqi.

NENI 30.**Të drejtat dhe detyrimet e administratorit**

Administratorët kanë të drejte e detyrime të:

1. kryeje të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asamblëja e përgjithshme;
2. përfaqësojë shoqërinë tregtare;
3. kujdeset për mbajtjen e saktë e të rregullt të dokumenteve dhe të librave kontabel të shoqërisë;
4. përgatit dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, të paraqesë këto dokumente përpara asamblëse së përgjithshme për miratim;
5. krijojë një sistem paralajmërimi në kohën e duhur për rrethanat, që kërcënojnë mbarevajtjen e veprimtarisë dhe ekzistencën e shoqërisë;
6. kryeje regjistrimet dhe dërgojë të dhënat e detyrueshme të shoqërisë, siç parashikohet në ligjin për Qendren Kombëtare të Regjistrimit;
7. raportojë përpara asamblëse së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
8. kryeje detyra të tjera të përcaktuara në ligj dhe në statut.
9. të thërrasë asamblëne e përgjithshme kur shoqëria brenda 2 viteve të para pas regjistrimit të saj, propozon të blejë nga një ortak pasuri, që kanë vlerë me të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuar dhe kur sipas bilancit vjetor apo raporteve të ndërmjetme financiare, rezultojnë ose ekzistojnë rreziku që aktivet e shoqërisë nuk i mbulojnë detyrimet e kërkuar brenda 3 muajve në vazhdim.

Asamblëja e Përgjithshme mund të shkarkojë administratorin në çdo kohë me shumicë të zakonshme. Statuti apo marrëveshje të tjera nuk mund të përjashtojnë apo kufizojnë këto të drejta. Padite, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

NENI 31.**Shpërblimi i administratorëve**

Shpërblimit bazë të administratorëve mund t'i behen shtesa, që mund të jenë përqëndje në fitim ose të ngjashme. Shpërblimet e administratorëve përcaktohen me vendim të zakonshëm të asamblëse së përgjithshme.

Shpërblimi, duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.

Nëse shoqëria është në vështirësi financiare, asamblëja e përgjithshme mund të vendosë reduktimin e shpërblimit të administratorëve në masën e përshtatshme.

Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.



NENI 32**Ekspertët Kontabel**

Shoqëria emerohet ekspertin kontabel për një afat një vjeçar në rastet e parashikuara nga ligji. Emerimi i tyre bëhet nga Asambleja e Përgjithshme.

Ekspertët kontabel janë përgjegjës për mirëmbajtjen e dokumentave të shoqërisë.

Ata janë përgjegjës për dëmet e shkaktuara që mund të vijnë nga mbajtja e llogarive në mënyrë të parregullit.

Nuk mund të emerohen si eksperte, themelues, administratore, persona që kanë lidhje gjaku deri në shkallën e katërt.

VI. MARRDHENIET E PUNES.**NENI 33.**

Marrdhëniet e punës në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar të Punës.

Punësimi në Shoqëri realizohet me anë të kontratës individuale të punës midis Shoqërisë e të punësuarve. Marrdhëniet midis Shoqërisë e sindikates rregullohen nëpërmjet kontratës kolektive të punës.

NENI 34.

Të punësuarit dhe punonjësit drejtues administrativ janë përgjegjës për dëmet që i shkaktojnë Shoqërisë për faj të tyre dhe përgjigjen para saj civilisht.

VI. PRISHJA E SHOQËRISE. LIKUJDIMI.**NENI 35.**

Shoqëria prishet në rast kur:

1. kur mbaron kohezgjatja e themelimit të saj;
2. me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
3. në rast se objekti bëhet i përealizueshëm për shkak të mosfunksionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
4. në raste të tjera, të parashikuara në statut;
5. në raste të tjera, të parashikuara me ligj;
6. për çdo shkak tjetër të vendosur nga asambleja e ortakeve, etj.;

Prishja e shoqërisë regjistrohet në Regjistrin Tregtar pranë Qendrës Kombëtare të Regjistrimit nga Administratoret.

NENI 36.**Likuidimi i shoqërisë**

Prishja e shoqërive tregtare ka si pasoje hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.



Likuidimi kryhet nga likuiduesit e emeruar nga asambleja e pergjithshme. Nese asambleja e pergjithshme nuk merr nje vendim per emerimin e likuiduesve, brenda 30 diteve pas prishjes, çdo person i interesuar mund t'i drejtohet gjykates, per te caktuar nje likuidues. Çdo person i interesuar, ka te drejte t'i kerkoje gjykates zevendesimin e likuiduesit, sipas vendimit te ortakeve, nese paraqet arsye te mjaftueshme per te dyshuar se likuidimi i rregullt i shoqerise mund te cenohet nga likuiduesit e emeruar si me siper. Kerkesa duhet te depozitohet ne gjykate brenda 30 diteve nga data e caktimit te likuiduesit.

Gjykata emerone likuiduesin, ne rastet kur shoqeria tregtare priset me vendim gjykate. Likuiduesit shkarkohen dhe zevendesohen me te njejtat kushte, te parashikuara ne dispozitat per emerimin e tyre.

Administratoret e shoqerise i njoftojne per regjistrim, Qendres Kombetare te Regjistrimit te dhenat e likuiduesve te pare dhe tagrat e tyre, per te perfaqesuar shoqerine, se bashku me dokumentet perkatese. Likuiduesit depozitojne nenshkrimin e tyre. Likuiduesit i njoftojne, gjithashtu, Qendres Kombetare te Regjistrimit per regjistrim çdo ndryshim per identitetin dhe tagrat e tyre te perfaqesimit. Emerimi i likuiduesve nga gjykata regjistrohet *ex officio*, sipas nenit 45 te ligjit nr. 9723, date 3.5.2007 "Per Qendren Kombetare te Regjistrimit".

Me hapjen e procedurave te likuidimit, emri i regjistruar i shoqerise ndiqet nga shenimi "ne likuidim". Likuiduesit duhet te ftojne kreditorët e shoqerise per te depozituar pretendimet e tyre per prishjen e saj brenda 30 diteve. Likuiduesi merr persiper te drejtat dhe detyrimet e administratoreve nga data e emerimit te tij.

NENI 37.

Të drejtat e detyrimet e likuiduesve

Detyra e likuiduesve eshte mbyllja e te gjitha veprimeve te shoqerise, mbledhja e kredive te paarketuara dhe e kontributeve te pashlyera, shitja e pasurive te shoqerise dhe shlyerja e kreditorëve duke respektuar radhen e referimit, sipas nenit 605 te Kodit Civil. Likuiduesi mund te kryeje edhe veprime te reja tregtare, per mbylljen e nje veprimi te paperfunduar. Nese, ne baze te padive te ngritura nga kreditorët, likuiduesit verejne se pasuria e shoqerise tregtare, perfshire kontributet e pashlyera, nuk eshte e mjaftueshme per pagesen e ketyre pretendimeve, likuiduesit detyrohen ta pezullojne proceduren e likuidimit e t'i kerkojne gjykates perkatese nisjen e procedurave te falimentimit.

NENI 38.

Bilancet

Likuiduesi pergatit nje bilanc te gjendjes se shoqerise ne çastin e hapjes se likuidimit dhe nje bilanc perfundimtar ne çastin e mbylljes se ketyre procedurave. Nese procedura e likuidimit zgjat me shume se nje vit, likuiduesi pergatit, gjithashtu, pasqyrat financiare vjetore te shoqerise. Bilancet miratohen nga Asambleja e Pergjithshme.

NENI 39.

Shpërndarja e aktiveve

Pas shlyerjes se detyrimeve ndaj kreditorëve, likuiduesi u shperndan ortakeve aktivet e mbetura, sipas te drejtave qe ata kane ne ndarjen e fitimeve, me perjashtim te rastit kur statuti parashikon radhe preference. Pasurite, qe i jane dhene shoqerise me qira apo ne perdorim, me çfaredo titulli u kthehen ortakeve. Pas shperndarjes se aktiveve te mbetura,

likuiduesi e njofton Qendren Kombetare te Regjistrimit per perfundimin e likuidimit dhe kerkon çregjistrimin e shoqerise.

NENI 40.

Likuidimi i thjeshtëzuar

Shoqeria mund te likuidohet nepermjet nje procedure te pershpejtuar, nese kjo vendoset nga te gjitha ortakët dhe kur keta deklarojne perpara gjykates perkatese se te gjitha detyrimet e shoqerise ndaj kreditorëve jane shlyer e jane rregulluar te gjitha marredheniet me punemarresit.

Administratoret, ne perputhje me nenin 43 te ligjit nr. 9723, date 3.5.2007 "Per Qendren Kombetare te Regjistrimit", njoftojne per regjistrim prane Qendres Kombetare te Regjistrimit vendimin per likuidimin e shoqerise, nepermjet procedures se thjeshtezuar. Administratoret jane pergjegjes per demin e shkaktuar nga shkelja e detyrave te tyre gjate likuidimit te thjeshtezuar. Pervec administratoreve, ortakët apo aksionaret e shoqerise pergjigjen ne menyre solidare deri ne shumat e marra.

VII. DISPOZITA TE FUNDIT.

NENI 41.

Ky Statut hyn ne fuqi pas miratimit dhe regjistrimit te Shoqerise ne regjistrin tregtar prane Qendres Kombetare te Regjistrimit.

NENI 42.

Gjithçka nuk eshte parashikuar shprehimisht ne kete Statut do te disiplinohet nga legjislacioni tregtar dhe ligje te tjera te lidhura me te ne fuqi ne Republiken e Shqiperise.

NENI 43.

Ky Statut përpilohet ne 4 kopje të njëjta në gjuhen shqipe, me nga 14 (1-14) flete secila kopje dhe pasi lexohen, nënshkruhen pa vërejtje nga tre ortakët themelues.

ORTAKET THEMELUES:

Z.Besar Llapashtica

Besar Llapashtica


Z. Marjus Dashi

Marjus Dashi


Z. Brien Hajdari

Brien Hajdari 